



UGOVOR **o nabavci i isporuci materijala za čišćenje**

Zaključen dana 23.01.2017.godine, između:

Javna ustanova Psihijatrijska bolnica Kantona Sarajevo, sa sjedištem u Sarajevu, ul. Nahorevska br. 248, Sarajevo koju zastupa direktor Ahmić dr Muhamed, ID 4200124040004, (u daljem tekstu: Kupac),

i

“INTER-COM” D.O.O. Zenica ul. Vrandučka broj 71 B, koji zastupa Safet Škaljić ID 4218087760006 (u daljem tekstu Dobavljač), transakcijski račun dobavljača- UniCredit Bank: 338-900-22068022-93

PREDMET UGOVORA

Član 1.

Predmet ovog Ugovora je nabavka i isporuka materijala za čišćenje u skladu sa Ponudom Dobavljača br.06.2-3737/16 od 23.12.2016.godine (Prilog 1), dostavljena po konkurentskom zahtjevu za dostavu ponuda .

TRAJANJE UGOVORA

Član 2.

Važnost ovog Ugovora je 12 mjeseci od dana potpisivanja od strane ovlaštenih lica obje ugovorne strane.

CIJENA

Član 3.

Cijena koju će Kupac isplatiti Dobavljaču za nabavku i isporuku materijala za čišćenje iz člana 1. Ugovora, a prema Ponudi Dobavljača br. br.06.2-3737/16 od 23.12.2016- godine iznosi:

Cijena bez PDV-a: 7.947,00 KM;

Porez na dodanu vrijednost (PDV 17%)=1.351,00 KM;

1

UKUPNA CIJENA sa PDV-om=9.298,00 KM (slovima: devethiljadadvijestotinedevedesetosam KM).

Kupac zadržava pravo korekcije roba na više ili manje u odnosu na količine navedene u Tenderskoj dokumentaciji/specifikaciji kupca br. (Anex broj 1) koja je prilog ovom Ugovoru, i Ponudi Dobavljača br. br.06.2-3737/16 od 23.12.2016. godine i pri tome ne snosi nikakvu odgovornost. Robe će se nabavljati sukcesivno tokom perioda važenja Ugovora.



Cijene tokom važenje Ugovora neće se mijenjati.

USLOVI I NAČIN PLAĆANJA

Član 4.

Plaćanje će se izvršiti u roku od 15 dana od dana isporuke i zaprimanja računa/fakture za stvarno isporučenu robu. Plaćanje se obavlja na žiro račun Dobavljača. Kupac ne prihvata avansno plaćanje i traženje sredstava osiguranja plaćanja. Ukupna plaćanja Dobavljaču bez PDV-a na temelju sklopljenog Ugovora ne smiju prelaziti procijenjenu vrijednost nabavke.

Kupčeva obaveza da isplati cijenu podrazumijeva poduzimanje mjera i udovoljavanje formalnostima predviđenim Ugovorom ili odgovarajućim zakonima i propisima da bi se omogućilo plaćanje.

Dobavljač je dužan izdati/sačiniti fakturu u skladu sa odredbama pozitivnih propisa iz oblasti poreza, u suprotnom ista neće biti plaćena i biće vraćena Dobavljaču na usklađivanje.

Uslovi plaćanja i drugi uslovi koje Dobavljač jednostrano unese u fakturu ne obavezuju Kupca ni onda kada je fakturu primio, a nije joj prigovorio.

ROK ISPORUKE

Član 5.

Dobavljač se obavezuje da će materijal za čišćenje isporučivati naručiocu, na adresu: Javna ustanova Psihijatrijska bolnica Kantona Sarajevo, Nahorevska 248 –, u roku od 24 sata, od prijema narudžbe.

Naručilac se obavezuje da preuzme cijelu količinu naručenog materijala za čišćenje, odmah po prispjeću. Po prijemu pošiljke naručilac je dužan istu pregledati, te o eventualnim reklamacijama obavijestiti dobavljača bez odlaganja, u roku od 24 sata, koji je obavezan istu preuzeti i dostaviti drugu.

Mjesto izvršenja obaveza Dobavljača (isporuke je sjedište kupca u ul. Nahorevska br. 248, 71 000, Sarajevo.

Kupac se obavezuje isplatiti cijenu i preuzeti isporuku robe onako kako je predviđeno ovim Ugovorom. Kupčeva obaveza preuzimanja isporuke općenito se sastoji u obavljanju svih radnji koje se razumno od njega očekuju da bi omogućio Dobavljaču izvršiti isporuku i u preuzimanju robe.



ODGOVORNOST ZA MATERIJALNE I PRAVNE NEDOSTATKE

Član 6.

Dobavljač odgovara za materijalne nedostatke robe koje je ona imala u času prelaza rizika na Kupca, bez obzira na to da li mu je to bilo poznato. Dobavljač odgovara i za one materijalne nedostatke koji se pojave nakon prelaza rizika na Kupca ako su posljedica uzroka koji je postojao prije toga. Obavijest o materijalnom nedostatku robe, Kupac je dužan potanje opisati nedostatak i pozvati Dobavljača da pregleda robu. Ako obavijest o materijalnom nedostatku koju je Kupac blagovremeno poslao Dobavljaču preporučenim pismom, telefaksom ili na neki drugi pouzdan način, zakasni ili uopšte ne stigne Dobavljaču smatra se da je Kupac izvršio svoju obavezu da obavijesti Dobavljača. Nedostatak postoji ako ugovorena i isporučena roba nema svojstva i odlike koje su izričito određene ovim Ugovorom.

STUPANJE UGOVORA NA SNAGU

Član 7.

Ovaj Ugovor stupa na snagu danom obostranog potpisivanja od strane ovlaštenih lica ugovornih strana. Svi rokovi u vezi sa ovim Ugovorom računaju se od dana stupanja Ugovora na snagu, ukoliko posebnom odredbom nije ugovoren neki drugi datum kao početak toka roka.

RASKID UGOVORA I POSLJEDICE RASKIDA

Član 8.

Pored slučajeva raskida Ugovora u smislu posebnih odredbi ovoga Ugovora, svaka strana može raskinuti Ugovor i zbog razloga navedenih u ovom članu kada nastupaju određene pravne posljedice.

Ukoliko Kupac bude smatrao da je zbog nepoštivanja ugovornih obaveza od strane Dobavljača ili zbog nastupanja okolnosti koje otežavaju ili sprečavaju da se nastavi izvršenje Ugovora, ili to isto bude smatrao Dobavljač u odnosu na obaveze Kupca, ugovorna strana pogođena tim nepoštivanjem ili okolnostima koje su nastupile, dužna je drugoj strani poslati pisano obavještenje (preporučena pošta ili telefaks) u kome se navode razlozi koji upućuju na raskid Ugovora.

Strana koja je primila prednje obavještenje, dužna je da razumnom roku, pisanim putem iznese svoje stavove i prijedloge. Ako se iz stavova strane ne može očekivati da se posljedice nepoštivanja, zakašnjenja i druge teškoće u vezi sa izvršenjem ovog Ugovora otklone ili ako se sa izvršenjem Ugovora ne



može nastaviti ni po proteku 30. dana, onda obje strane imaju pravo da raskinu Ugovor.

U slučaju raskida Ugovora u smislu prethodnih stavova ovog člana strane će izmiriti sve svoje obaveze nastale do raskida Ugovora.

Ukoliko je do raskida Ugovora došlo krivicom jedne ugovorne strane, druga strana ima pravo na naknadu štete i izmakle dobiti po opštim pravilima obligacionog prava.

Izjava o raskidu ugovora ima učinak jedino ako je o njoj pisano obaviještena druga strana.

PRIMJENA ZAKONA O OBLIGACIONIM ODNOSIMA

Član 9.

Ugovorne strane su saglasne s primjenom odredbi Zakona o obligacionim odnosima i to u pogledu prava, obaveza i odnosa koji nisu regulisani odredbama ovog Ugovora, a koji nastanu u vezi i povodom izvršenja ovog Ugovora.

RJEŠAVANJE SPOROVA

Član 10.

Sve eventualne sporove i nesporazume koji bi mogli nastati iz ovog Ugovora ili povodom ovog Ugovora, ugovorne strane će nastojati riješiti usaglašavanjem, posredovanjem ili na drugi miran način u duhu uzajamnog povjerenja i dobrih poslovnih običaja.

Ukoliko ugovorne strane ne postignu mirno rješenje eventualnog spora u smislu stava 1. ovog člana ugovara se nadležnost suda u Sarajevu, Bosna i Hercegovina uz primjenu pozitivnog prava Bosne i Hercegovine.

OSTALE ODREDBE

Član 11.

Izmjene i dopune ovog Ugovora mogu se vršiti samo pisanim putem. Biće punovažne i obavezujuće ugovorne strane samo one izmjene i dopune koje su sačinili sporazumno u pisanoj formi.



Psihijatrijska bolnica
Kantona Sarajevo



akaz
akreditacija

Član 12.

Ovaj Ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.



Dobavljač:

"INTER-COM" d.o.o. Zenica

Direktor

Safet Škaljić



Kupac:

Javna ustanova Psihijatrijska bolnica
Kantona Sarajevo

Direktor

Ahmić dr Muhamed

Broj: 25-01/17
Sarajevo, 23.01.2017.godina

Broj: 06.4-214/17
Sarajevo, 23.01.2017.godina